

**Thursday, November 20, 2025**

**Time - 2:30pm - 2:35pm**

**AKASHVANI AIZAWL  
REGIONAL NEWS UNIT**

**UD&PA MINISTER**

Urban Development and Poverty Allevation Minister, Pu K. Sapdanga chuan tunhnaia khawpui chhunga lirthei chet vel dan felfai tak leh traffic dan zawm kawng a lawmman Mizoram a dawn avangin naktuk hian Aizawl bikah City Bus chuan man chanve chu sorkarin a tum dawn a ti.

He thu hi vawiin khan a pisa ah chanchinbu mite lengah sawmin a sawi a, Pu K. Sapdanga chuan Mizoram lawmman lak chu mi tinte thuawih zar a nih thu leh sorkar dan zam mi tinin an ngaih pawimawh vang a nih thu a sawi a, Mizoram a lirthei chet vel dan kawngah Zo nun ze mawi a taka a lan thu a sawi a ni.

Pu K. Sapdanga chuan khawpui chhunga lirthei che vel enkawltu ber chu Traffic Police-an nih thu leh Mizoram lawmman dawn chu mipuite thuawihna zar a nih bakah Traffic Police-te zar a ni tih an hriat reng thu sawiin naktuk hian Mizoram sorkar chuan Aizawl a Traffic Police duty te chhun chaw a tum tur thu a sawi bawk.



**MIZO FILMMAKER NAPOLEAN RZ THANGA**

International Film Festival of India vawi 56-na Goa a neih ah Aizawl Mission Venga cheng Napoleon RZ Thanga chu Film endiktu zingah a tel.

56th International Film Festival of India 2025 hi vawiin hian tan a ni a, ni 28 thleng neih a ni dawn a. He huna film chhuah tur endik leh thlanchhuah hna thawk turin, India rama film lam mithiam mi 13 ruat niin Pu. Napoleon-a hi a tel a ni.

October thla chung khan Mumbai a NDFC hmunah Feature film 450 atangin film 30 IFFI a chhuah tur an thlan chhuah leh endik hna hi India Panorama Jury te hian an thawk dawn a ni.

Panorama endik turah hian tun tum hi Mizo an tel vawikhatna a ni a, Napoleon-a hi Documentary film lama sulhnu nei tha tak niin lawmman te pawh a lo dawng tawh a, a film siam leh documentary pawh Film Festival ah tihchhuah a lo ni tawh thin a ni.

Napoleon RZ Thanga sawi danin Mizote ah Film lama hmasawn duhna a thleng chho mek a, thalaite an tui chho tan a ti a, Film lamah pawh lawmman la thei chi siam lama hmasawn an la ngai tih sawiin hemi kawngah hian thalaite hma an sawn a ngaih thu a sawi.

**BYTE**

Union Minister of State for Information and Broadcasting, Dr L Murugan chuan IFFI ah hian WAVES Film Bazaar 2025 a hawng a, Information and Broadcasting Secretary Sanjay Jaju bakah filmmaker Shekhar Kapur leh lemchan thian Balakrishna leh Anupam Kher te an tel a ni.



## **MTP**

Mara Thyutlia Py (MTP) General Conference vawi 33-na chu nimin atang khan Chapi khua ah neih tan a ni.

MTP inkhawmpui thlen khawm ni hi nimin a ni a, nizanah Hiphei Byureih chu hawn niin MTP General Headquarters President Pu Pakhaw Chozah chuan inkhawmpui hi a hawng a ni.

MTP General Conference hi November ni 21 thleng neih tura ruahman a ni a, inkhawmpuia hian thupui hrang hrang rel anih dawn bakah hun hlimawm tak hman tura duan a ni a, hruaitu thlanna neih a ni dawn bawk a ni.

Tunhnaiah Siaha district hmun thenkhat ah Tui-hri a len avang in MTP hruaitu inthlan hi thuang hniha kalpui tur a ni a, Phura MTP Sub Headquarters ten November ni 25 hian vote an thlak dawn a, vote hi november 28 ah chhiar a ni ang.



## **SERICULTURE**

Silk la tharchhuah leh pangang vulh kawnga hmasawna tur hrang hrang sawiin nimin khan Sericulture Department-a thawktute Sericulture Department Conference Hall ah an thukhawm.

Thutkhawm hi Director Pu V. Zothansanga chuan kaihhruaiin Sericulture Department hmalakna hrang hrang leh hmasawn dan tur bakah Sericulture hnuaiia Project hrang hrang kalpui mek tih hlawhlin a nih theih dan tur an sawi ho, Chawhnu lamah Technical session neiin District hrang hrang atangin District Sericulture Officer's ten an District hmalakna theuhte Power Point Presentation pe in heng an hmalakna atanga hmasawn dan tur leh Cocoon Production neih tam zel dan tur ruahmanna te an nei a ni.

Sericulture Department Secretary Pi Florence Zotluangpuii chuan Sericulture chu eizawna tling, thar rang a nih mai bakah Mizoramah Sericulture atanga tharchhuah Cocoon bakah Post Cocoon Sector lam 'Silk la' thlenga thar chhuah theihna tur theihna an nei tih sawiin heng kawngah hian nasa takin tan lak a ngai a ti a, Department thawktute chu an kuthnathawktuten tharchhuah tam theihna tur kawng ngaihsak tur leh mi tam zawkin an hlawhtlin pui theih nana theihtawp chhuah turin a chah a ni.

